

**Četvrti sastanak radne grupe “Kultura”
Subota, 14. april 2018. godine
9:30 – 13:00 h, Bern**

U subotu, 14. aprila 2018. godine, održan je četvrti sastanak radne grupe u oblasti kulture koji je organizovan od strane udruženja i-dijaspора u okviru inicijative «i-platform – Dijaspора za razvoj Bosne i Hercegovine».

Četvrti sastanak je bio posvećen prezentaciji ideja sa najviše osvojenih glasova i podjeli uloga unutar radne grupe. Članica Upravnog odbora i-dijaspore, Elma Hadžikadunić, bila je opravdano odsutna.

Prezentacija ideja sa najviše osvojenih glasova

U okviru radionice na trećem sastanku radne grupe predstavljene su projektne ideje sa prva dva sastanka a učesnici su imali mogućnost navesti podoblasti kulture za koje se oni lično najviše interesuju i u okviru kojih bi željeli raditi unutar radne grupe. Učesnici su imali rok da do kraja marta daju svoj glas za maksimalno dvije ideje koje žele da razviju kako bi se obavilo glasanje i započelo sa konkretnom izradom strategije projekata koji osvoje najviše glasova.



Ideje koje su osvojile najviše glasova su:

1. **Workshop i podijumska diskusija sa mladim umjetnicima iz Bosne i Hercegovine** koji bi se održali u Švicarskoj a potom i u BiH na temu „U kakvoj je poziciji kultura u BiH danas i šta znači biti umjetnik u sadašnjoj BiH“
2. **Analiza terena u BiH i Švicarskoj sa fokusom na uspostavljanju kulturnih Hub-ova u Švicarskoj i BiH** → Cilj: Povezivanje glavnih kulturnih aktera u BiH, podsticaj kulturne produkcije i transfer znanja

Nakon kratke diskusije i feedback-a učesnika predloženo je glasanje u plenumu kako bi se formirale dvije podgrupe i odmah započelo sa radom na razvijanju ideja, podjeli uloga i daljim koracima i načinima komunikacije.

Rad na projektnim idejama. Prvi koraci

Prisutni članovi radne grupe Kultura djelovali su u dvije podgrupe. Podgrupa „Workshop“ dobila je zadatak da do 30. aprila dostavi konkretne prijedloge umjetnika iz BiH prema navedenim idejama sa prethodnih sastanaka kako bi se na jesen, a nakon usvajanja odluke na Upravnom odboru i-platforme, održali Workshop i podijumska diskusija uz predstavljanje umjetnika iz BiH u Švicarskoj. Na idućem sastanku podgrupe planiran je rad na prvom draft-u koncepta projektne ideje.

Podgrupa „Kulturni HUB“ odlučila se na online rad i razmjenu podataka zbog ograničenih resursa i slobodnog vremena. Interni način komunikacije i punjenja sadržaja planiran je putem Google Drive-a (Google Docs i Google Excel) analizom trenutne situacije i mapiranjem relevantnih institucija, organizacija i pojedinaca.

Zaključci sastanka, termini i daljnji koraci

Obje podgrupe dobile su specifične i konkretne zadatke na kojima treba da rade do idućeg sastanka koji je planiran u junu 2018. Pozivnica kao i program i daljnje informacije biće Vam dostavljene putem e-mail-a početkom juna.